

正編卷一百七十三之一百八十



原件短缺

卷 171 - 172

中興禮書第一百七十三卷

嘉禮一

奉上皇太后冊寶一

高宗建炎元年

疑按高宗二字
為後人增入

五月二日上謂輔臣曰

元祐皇后家諱家宜避矧當二帝北轅中更僭切載以
聖德起於宮闈乃眷朕躬膺天歷數不惟累章之劾進
亦又播告於遐邇於國有功宜尊名號乃下御札曰朕
惟德盛者執必隆屬尊者禮宜備古之彛訓國有故常
元祐皇后制行徽柔宅心虛靜蚤儷極于永泰久玩道
於瑤華庚辰並后之文已嘗誕告丙午復號之旨未及
布宣比者戎騎內侵都城失守方二聖之遷播屬百辟
之抗言還御宮闈暫臨庶務洞達事機之變深惟宗社

之安踵遣使輶敦諭至意速此繼圖之日亟頒歸政之書功加於時舉協於義是用參稽衆志奉上尊稱冀茂得於休辰以永綏於壽祉元祐皇后冊為隆祐太后並令所司擇日奉上册寶應合行典禮禮官討論以聞四年二月十五日詔隆祐皇后上尊號隆祐太后同日合后緣有司未曾製造冊寶自合先次稱隆祐太皇后御札勅内外文武臣僚等報德莫尚乎隆名敦化必先乎廣孝茲古今之通誼迺邦國之彝章韋賢妃聰明惠和徽柔淵懿曾於慶閼婉我親闈象服是宜淑則明於四教彤管有煒徽音冠於六宮誕毓眇身以昭大統念慈顏之在遠尚阻奉於晨昏願令典之有稽宜亟崇於位號是用參稽衆志爰舉丕稱肆彰母道之尊歸安天下之養宜上尊號曰宣和皇后仍令所司擇日奉上册

寶

時方幸不克行冊禮

紹興七年三月十七日詔内外文武臣僚等推立愛之

道蓋本於事親昭欽養之誠莫先於隆禮爰主母儀之位以刑孝治之風宣和皇后靜順承天柔明育德夙擁慶羨是生眇冲陰教表乎六宮美化行乎四海閔予小子逢此百罹廼骨肉之至親偕父兄而時邁十年地阻懷陟岵凱風之思萬里使還奉上皇寧德之諱興言荼毒增慕劬勞顧家難以何堪惟母慈之是恃念從狩襄城之野遠播徽音將迎還長樂之宮永依善訓屬當在疚亟議推崇日用三牲期致天下之養母臨萬寓宜極域中之尊延望慈闈恭加懿號宣和皇后宜尊為皇太后后仍令所司擇日奉上册寶應合行禮令禮官討論以

開先是有旨講究宣和皇后合行推崇典禮禮吏部尚書

上禮恭依故有是是三月十八日太常寺言請依祖宗故事俟三年之喪終

制然後奉上皇太后冊寶今來合先降御札播告中外

詔恭依翰林學士朱震言臣開三年之制惟天地社稷

位明年正月改元建中是時行易月之制故禮制謂當

服行事今陛下雖從權宜而退朝之服盡如禮制謂當

志願下禮官講明故事故有是請紹興九年三月九日禮部太常寺言檢會國朝舊制皇

太后係玉冊金寶今乞餘寶用金冊以珉石又闕以象

牙詔冊以階石製造餘依三月十四日禮部太常寺

言勘會令文思院修製皇太后冊寶今參酌合行申請

事件一所有寶文今欲乞以皇太后寶四字為文

一合差撰冊文官一員書冊文官一員書篆寶文官一

員並乞執政一乞令文思院疾速如法修製冊寶并

沿冊寶法物仍令文思院候見得修製冊寶次第約度

報太常寺以憑申請施行詔撰冊文官參政孫近書冊

篆寶官參知政事李光紹興十年二月初五日禮部太

官參知政事李光今未錄本官已除同日禮部太常寺言奉上皇太后冊寶已降指揮依故

事候三年終制舉行未審將來修製冊寶了畢便合擇

日行禮唯復俟皇太后還宮擇日詔候迎奉皇太后歸

日取旨

四月四日禮部太常寺言契勘將來皇太后受冊依典

禮合修製禕衣冠服冠飾以九龍四鳳首飾花十二枝

小花如大花之數并兩博髮禕衣深青織成翟文素質
五色十二等青紗中單黼領羅縠標襪蔽膝隨裳色以
緞為緣錦用翟為章三等大帶隨衣色朱裏紕其外上
以朱錦下以綠綿鈕約用青組衣草帶白玉雙佩黑組
大綬小綬間施玉環三其章采尺寸與乘輿同青襪烏
鳥以金飾詔依差入內內侍省都知黃冕主管製造
十一月二十一日宰臣秦檜等進表請建皇太后宮殿
以慈寧為言上因謂輔臣曰行宮地步窄隘今管建太
帳衣余之類悉已畢備是因地勢修築至于器用供
視親加指畫仍許執政入觀
紹興十年十一月一日宰臣秦檜等言恭惟皇太后誕
毓聖躬肇門駿命再造區夏統承大業德厚澤深燕翼
萬世詔書推崇位號備物典冊禮未克行願申命禮官

討論容典涓日休嘉奉上冊寶詔恭依合行典禮令禮
部太常寺討論畢備於十一月內擇日行禮
同日尚書省言奉上皇太后冊寶於十一月內擇日行
禮緣冊條未曾請降鑄鏤冊文詔令工部請降付文思
院疾速鑄鏤施行皇帝親書冊文曰臣聞自昔受命而帝者基
德發祥必推本其所以出瑞乙生商物錫符天之休以開
萬葉拓統之慶于皇盛哉炳炳其不物錫符天之休以開
系隆我人俾克祗德衝嗣以守大器永惟躬躬已天祚聖母
我難一澤厚流光與覆載並將竭四海之奉美萬物之報
艱難稱者粵若稽威節尊上鴻名參天貳地以將施周
無極率爾眾志所合一詞尊上鴻名參天貳地以將施周
秦檜奉玉冊金寶上尊號曰皇太后恭惟皇太后柔嫺傳
淵懿體備坤順清淨澹泊用合道自天惟皇太后柔嫺傳
有治之助萬事於中禮而珮珩之訓可度佑我文德而保
內家之助萬事於中禮而珮珩之訓可度佑我文德而保
濟發九命于躬躬予末小子惟德弗類無以答揚闕休
靈集大命于躬躬予末小子惟德弗類無以答揚闕休

惟順天經叙民彝通神明美教化賢本于孝夙業
盡欽愛以事親期于上下明察合三才之義中外平
得萬國之歡時庶幾焉嗚呼禮莫嚴于報本惟聖人
能官備而非曰能之唯我聖母莫威之德惟稱惟以
典冊子道迎休命還御慈寧儀家邦於萬斯年受福無疆
博皇待載燕及羣生
子小子其永有依賴

十一月九日禮部太常寺言奉上皇太后冊寶合差都
大主管官一員乞降勅差近上內侍詔依

十一月十日禮部太常寺言今先次參酌比附典禮
討論到合行事件 一欲乞依禮例皇帝服通天冠絳
紗袍執大圭發冊 一奉上冊寶依禮例係于大慶殿
或文德殿及依天安殿發冊寶禮例皇帝詣殿下北向
再拜訖以冊寶授太傅今欲乞至日皇帝詣常御殿下
北向再拜以冊寶授太傅於慈寧殿奉上 一將來自

皇帝御殿太傅奉冊寶奉冊寶詣慈寧殿下行禮其經
由門戶及立班地步並乞令所差官都大主管取旨宣
禮直官并御史臺閣門應奉人相視所有奉上皇太后
冊寶欲依禮例俟奉上冊寶畢皇帝詣慈寧殿遙賀皇
太后如宮中儀次羣臣就慈寧殿下遙賀皇太后畢常
御殿拜表稱賀其表詞乞令禮部修撰 一依例係於
文德殿垂簾皇太后即座太傅已下於殿上簾前奉上
冊寶侍中并中書令於簾前進冊所有今來奉上皇太
后冊寶欲乞是日太傅已下奉冊寶至慈寧殿下與本
殿提點官東西相向傳授冊寶太傅一員奉寶侍中一
員奉冊中書令一員前導儀禮使一員並乞降勅差宰
執或使相 一常御殿并慈寧殿合用羣臣陪位立班

並乞令御史臺閣門相度申請詔依

十一月十一日太史局言選到奉上皇太后冊寶吉日
宜用十二月八日戊寅吉十二日壬寅吉詔用十二日

太史局又言慈寧殿奉安冊寶時宜用其日丁時吉詔依

十一月十五日閣門劄子檢會故事奉上冊寶合御文
德殿行禮文武百寮陪位行禮畢冊寶出文德殿門候
奏禮畢皇帝還內文武百僚於東上閣下拜表稱賀今
來太常寺申明將來奉上皇太后冊寶是日各立班官
入詣慈寧殿立班其本殿係在禁中於禮未便欲乞是
日依舊例於常御殿行冊寶禮畢出本殿門權於射侯
殿安置
奏禮畢皇帝還內於禁中行遙賀之禮文武百僚退赴
南宮門外遙賀訖次赴常御殿拜表詔應干禮儀令禮

部太常寺閣門共同討論申尚書省

十一月十六日禮部言准都省批下太常少卿陳桶等

劄子勘會奉上皇太后冊寶禮例作樂節次等後批送
禮部討論申尚書省 一陳桶劄子檢會國朝奉上皇

太后冊寶禮例文德殿庭合設宮架樂今參酌比附欲
於射殿內隨地之宜排辦今具作樂曲節次 一太傅

奉冊寶入門作安之樂俟冊寶置定樂止 一太傅奉
冊傳授提點官作禮安之樂傳授畢樂止 一太傅奉

寶傳授提點官作禮安之樂傳授畢樂止 一提點官
奉冊寶進行作聖安之樂至安設處樂止 一太常寺

申令再詳國朝命使發皇后冊寶禮例是日殿庭設樂
今討論欲比附上件禮例皇帝詣常御殿發冊寶 一

俟皇帝隨冊寶降殿作聖安之樂西至階下禱位樂止
 一 中書令奉冊詣皇帝禱位作禮安之樂太傅授冊
 訖至禱位樂止 一 侍中奉寶詣皇帝禱位作禮安之
 樂太傅授寶訖至禱位樂止 一 太傅奉冊寶進行作
 聖安之樂出常御殿門樂止 一 前項樂曲乞下學士
 修撰降付太常寺教習本部今討論依逐官劄子并太
 常寺所申詔依其樂曲令學士院同中書舍人修撰
 十一月十七日禮部太常寺言奉上皇太后冊寶依禮
 例前期擇日奏告天地宗廟社稷天慶觀報恩光孝觀
 宜用十一月二十三日癸亥吉奏告諸陵昭慈聖獻皇
 后攢宮并承元殿順聖殿宜用十一月二十四日甲子
 吉今具排辦差官等事件 一 合用御封降真香共八

十七合天地恩光孝觀三十一合昭慈聖獻皇后攢宮一

諸陵三十一合景靈東西殿一合 乞下入內侍省取降

一合用青詞四首天慶觀聖祖天尊大帝一首

景靈宮聖祖天尊大帝一首祝文三十首

社稷二首景靈殿一首 表文三十一首諸陵三十通

述以奉上皇太后冊寶前期奏告之意乞下學士院修

撰 一合用幣帛一十九段蒼五黃一白乞下太府寺

下左藏庫支供 一奏告天地合差執政宗廟諸陵合

差宗室觀察使 大社大稷天慶觀報恩光孝觀各合差

侍從官並前一日赴祠所致齋承元殿元殿順承殿合

差侍從官前一日赴本司致齋已上並乞降勅差 一
 奏告昭慈聖獻皇后攢宮乞令紹興府差見任外官宗

室一員前一日於泰寧寺致齋所有合差太祝并供養
 茶酒果等並令紹興府依奏告禮例施行 一奏告天
 地宗廟社稷合用酒脯鹿鷄蠟燭縮酒茅天慶觀報恩
 光孝觀諸陵合用鵝梨法醬酒果蠟燭等並乞下臨安
 府專委官排辦 一奏告天地社稷合用神位版并鋪
 設學生乞下太史局排辦 一奏告天地宗廟社稷天
 慶觀報恩光孝觀合差奉禮郎太祝太官令一員 承
 元殿順元殿太祝二員諸陵太祝三員有出身並前一
 日赴逐殿致齋欲乞依例輪太常寺官充餘闕官乞令
 吏部及臨安府差詔依

同日禮部太常寺言勘會十二月十二日奉上皇太后
 冊寶所有將來御書冊文畢合差內侍官請降付文思

院修製俟奉上前一日自文思院援衛赴常御殿冊寶
 幄安奉并發冊寶前一日詣冊寶幄至夜照管及奉上
 日隨冊寶主管至慈寧殿共合差內侍三員乞下入內
 內侍省差詔依

十一月二十三日禮部太常寺言勘會奉上皇太后冊
 寶續次條具到事件 一合差押冊案吏部侍郎一員

押寶案禮部侍郎一員又禮部侍郎二員一員奏中嚴
外辦一員前奏中嚴外辦殿中監一員並乞差侍從攝前導冊寶太常卿

一員乞太常少卿攝舉冊官二員舉寶官二員乞差六
 曹郎中太常博士三員一員贊引太傅一員贊引太常卿
一員贊引太常卿乞差

太常博士舉麾協律郎一員乞差太常寺主簿已上並
 乞降勅差 一冊寶係前一日於常御殿冊握權行安

設依禮例奉冊寶太傅已下應行禮官并冊寶下禮部太常寺應合千人並於南宮門外西廊宿衛內宰執依例於皇城司宿衛都大主管所於入內內侍省宿直一乞依禮例前一日太傅已下行禮陪位官及應奉人於常御殿及射殿習儀 一奉上冊寶前一日太傅已下行禮官並守內門赴幕次宿衛今欲乞前一日并奉上冊寶日並作休務假 一合差捲簾內侍欲乞下入內內侍省差詔依

十一月二十八日禮部太常寺言奉上皇太后冊寶係用十二月十二日於前三日按樂欲乞就尚書省都堂前隨地排設宮架大樂詔依 十一月二十九日禮部言有合申請事件 一將來常

御殿發冊寶出殿合於殿門外權置於帳內以俟射殿排辦畢備行奉上之禮所有殿門外合設冊寶帳次乞下儀鸞司釘設 一所差捧冊寶抱席褥職掌等合着色服除輦官親事官合服本色外其職掌合服介幘勒帛緋羅衫天武官合服紫衫腰帶并乞下祇候庫闕借自備頭帽 一所差天武輦官親事官合於奉上前一日自文思院擡擎授衛冊寶至常御殿帳內安奉畢出殿門外帳次祇候至夜量留天武輦官三兩人宿于殿門外祇應詔依

十一月三十日禮部太常寺言今續次條具到合行事件 一奉上皇太后冊寶了畢文武百僚拜表遙賀皇太后所有表文係禮部修撰欲乞至日俟拜表畢其表

乞交付本殿提點官收掌俟皇太后還宮日進呈一
合於常御并射殿排設宮架大樂各一料緣太常寺正
有大樂一料今相度欲將宮架大樂先赴常御殿排設
發冊寶行禮畢乞奉冊寶權於殿門外南宮上幄次安
奉令般擎大樂入射殿安設畢備奉冊寶赴射殿行禮
一依儀射殿上冊寶太傅授提點官畢合差捧冊寶
內侍捧至于慈寧殿安奉所有奉冊寶將至慈寧殿樂
止合差傳呼內侍已上並乞令都大主管所相度差官
詔依

中興禮書第一百七十四卷

嘉禮二

奉上皇太后冊寶二

紹興十年十二月四日禮部言准都省批下閤門狀奉
上皇太后冊寶已降儀注合用前導閤門官二員并奏
中巖外辦及奏解巖閤門官一員欲乞朝廷降勅差官
詔依

十二月五日禮部太常寺閤門言續次條具到合行事
件一奉上冊寶係於常御殿下皇帝發冊寶授太傅
行禮所有應行禮陪位官及禁衛等欲乞並免起居
一依儀於常御殿下發冊寶若值雨欲乞自御幄前導
皇帝詣冊寶幄前北向立禮儀使奏請拜皇帝再拜訖

中書令侍中就冊寶帳奉冊寶至皇帝褥位前各置於案以授太傅其太傅受冊寶畢於殿下帳西隨宜設置以俟由西廊出常御殿門其陪位羣臣乞依自來值雨立班禮例施行所有寶冊欲乞入射殿新置北便門於射殿上行奉上冊寶禮陪位官於兩廊隨宜立班餘依已定儀注施行詔依七日主管禁衛所闕將來若不值報太常寺契勘依儀並不合鳴鞭十二月八日都省劄子禮部狀准批下閤門勘會自來大禮其樞密都承旨係導駕官所有今次迎奉迎冊寶合與不合導駕契勘今來儀注內即不該載樞密都承旨前導乞朝廷指揮後批送禮部下太常寺本寺申奉上皇太后冊寶依禮例止係禮儀使閤門官即不載樞

密院官前導劄下閤門照會

十二月九日都省批下禮部狀閤門宣贊舍人鄭寬之等申契勘奉上皇太后冊寶合用祇應舍人省記在京日惠恭皇后冊寶皇太子冠禮並係降勅差行禮官合用舍人五員二員引進中嚴外辦牌一員引進解嚴牌一員押文班一員押武班伏乞降勅差官施行後批送禮部尋下太常寺本寺勘會閤門所稱引進中嚴外辦解嚴牙牌及押文武班舍人於典禮即無該載降勅差官難以施行後批送禮部關牒閤門照會十二月十六日都省批下監進奏院黃敏行等劄子恭親奉上皇太后冊寶禮畢百官拜表稱賀今承在外州軍等處會問合與不合奉表稱賀本院即未曾承受許

令諸路上表稱賀指揮伏望朝廷詳酌施行取到禮部
太常寺狀檢准紹興儀制令節文諸大慶大禮發運監
司官提舉主簿茶事提諸州長吏三泉知奉表賀看詳
今來奉上皇太后冊寶係大慶典禮合依上條施行後
批送禮部仍下本院照會

奉上皇太后冊寶儀

陳設

前二日儀鸞司帥其屬張設常御殿射殿設冊寶帳於
常御殿上當中南向設御帳於常御殿御屏風後之西
東向隨地之宜又設皇帝褥位三一於常御殿上冊寶
帳前之東西向一於殿下當中北向一於殿下當中南
向太常設宮架之樂於常御殿庭協律朗舉麾位於宮

架西北東向押樂太常卿位於宮架之北北向儀鸞司
設羣臣次於常御殿門外設太傅授冊寶褥位於常御
殿下發冊寶褥位之前東南側向設冊寶褥位六二於
殿西階下東向冊寶南二於殿下東向冊寶東二於殿東階
下西向冊寶北又設太傅位於殿下西階之西東向侍中
中書令於太傅之後北向設吏部侍郎及舉冊官位於
冊案之後禮部侍郎及舉寶官於寶案之後俱重行東
向設太常卿太常博士位於其後設羣臣位於宮架之
北東西相向又太常設宮架之樂於射殿庭中協律郎
舉麾位於宮架之北東向押樂太常卿位於宮架之北
北向設冊寶位六二於殿西階下東向冊寶北二於殿下
當中南向冊寶西二於殿東階下西向冊寶北設太傅侍中

中書令吏部禮部侍郎太常卿舉冊舉寶官太常博士
位如常御殿西設都大主管官本殿提點官位於殿下
之東西向北上主當內侍位於其後設太傅及本殿提
點官傳授冊寶褥位二於殿下當中東西相向設羣臣
位於宮架之北北向

常御殿發冊寶

其日文武羣臣集於常御殿門外幕次各服其服內行禮
奉官都大主管官本殿提點官主當內侍陪位侍從臺
鍊武臣正任以上並服其朝服餘官並常儀
禮儀使閣門官太常博士禮直官分立於御帷前次御
史臺閣門太常寺分引文武羣臣入就殿下東西相向
立定禮直官引都大主管官升殿詣冊寶幄之西南向
主當內侍立于冊寶幄內次禮直官贊者引吏部禮部

侍郎舉冊舉寶官太常卿侍中中書令太傅俱詣殿下
西階褥位東向立少頃禮直官引侍中中書令吏部禮
部侍郎升殿詣冊寶幄之西重行東向立次贊者引舉
冊舉寶官升殿立於吏部禮部侍郎之後東向禮直官
太常博士引太常卿升殿詣西階上之西東向立皇帝
自內服履袍至常御殿御屏風後御幄簾降皇帝服通
天冠絳紗袍禮直官引禮部侍郎奏請中嚴少頃又奏
外辦次禮直官太常博士引禮儀使當幄前俛伏跪奏
禮儀使臣某言請皇帝行發皇太后冊寶之禮奏訖俛
伏興簾捲前導官前導官前導皇帝出幄殿中監跪進
大圭禮儀使奏請執大圭皇帝執大圭殿中監進大圭
向立以俟禮前導官前導皇帝詣殿上冊寶幄前褥位
畢受大圭

西向立次引舉冊官入帷搢笏舉冊禮直官引中書令奉冊吏部侍郎押冊案次引舉寶官入帷搢笏舉寶禮直官引侍中奉寶禮部侍郎押寶案禮直官太常博士引太常卿前導冊寶進行冊寶并贊者禮部職掌助舉前導官前導皇帝步從宮架作聖安之樂侍中中書令奉冊寶降自西階至殿下褥位東向置定侍中中書令已下各詣西階東向立都大主管官并主當內侍並隨冊寶至西階下冊寶褥位立於冊寶之後東向立前導官前導皇帝至殿下褥位北向立樂止次引舉冊官搢笏舉冊吏部侍郎押冊案舉寶官搢笏舉寶禮部侍郎押寶案禮直官太常博士引太常卿前導冊寶都大主管官主當內侍從至於殿下當中褥位南向置定吏部

禮部侍郎舉冊舉寶官退復東向立太常博士都大主管官主當內侍俱詣殿東階下西向立禮儀使奏請拜皇帝再拜贊者曰拜在位官皆再拜訖次贊者舉冊官詣冊案之左右東西相向搢笏舉冊興吏部侍郎押冊案先詣皇帝褥位前置定吏部侍郎退立於東階下西向次禮直官引中書令詣冊位之北南向搢笏奉冊進行宮架作禮安之樂禮直官引中書令奉冊詣皇帝褥位前南向中書令舉冊官皆跪置冊於案中書令執笏興退詣殿東階下西向立舉冊官執笏興少立次禮直官太常博士引太常卿太傅詣受冊褥位東南向側身俛伏跪舉冊官搢笏跪舉冊奉請皇帝搢大圭跪捧冊授太傅太傅搢笏受冊奉請執大圭俛伏興太傅執笏

興舉冊官舉冊興太傅奉冊詣殿東階下褥位西向置
冊於案樂止太傅立於冊案之側西向立次贊者引舉
寶官詣寶案之左右東西相向搢笏舉寶興禮部侍郎
押寶案先詣皇帝褥位前置定禮部侍郎退立於東階
下西向次禮直官引侍中詣寶位北南向搢笏奉寶進
行宮架作禮安之樂禮直官引侍中奉寶詣皇帝褥位
前南向侍中舉寶官皆跪置寶於案侍中執笏興退詣
殿東階下西向立舉寶官執笏興少立次禮直官太常
博士引太傅詣受寶褥位東向側身俛伏跪又奏請皇
帝搢大圭跪捧寶授太傅太傅搢笏受寶又奏請執大
圭俛伏興太傅執笏興舉寶官舉寶興太傅奉寶詣殿
東階下褥位西向置寶於案樂止舉寶官執笏興退立

於寶案之後太傅退詣東階下西向立前導官前導皇
帝詣南向褥位少立禮直官太常博士引太傅詣冊寶
位奉冊寶贊者引舉冊官舉寶官詣冊寶位搢笏舉冊
舉寶興宮架作聖安之樂吏部禮部侍郎押冊寶案進
行禮直官太常博士引太常卿前導冊寶侍中中書令
都大主管官後從主當內侍主當冊寶出常御殿正門
樂止次鞞官捧擎冊寶於殿門外權置幄內初冊寶出
常御殿正門樂止禮直官太常博士引禮儀使詣皇帝
褥位前北向俛伏跪奏禮儀使臣某言禮畢奏訖俛伏
興退復位前導官前導皇帝升自東階將至幄禮儀使
奏請釋大圭殿中監跪受大圭訖皇帝入幄簾降禮部
郎中奏解嚴訖羣臣以次退皇帝易常服還內如來儀

羣臣退就次以俟射殿行奉上冊寶之禮

射殿奉上冊寶

其日俟射殿排辦畢文武羣臣就幕次各服常服

內冊寶下

行禮直官都大主管官本殿提點官主當內侍并陪位侍從臺諫武官正任以上並服朝服餘官並服常服

御史臺閣門太常寺分引文武羣臣入就殿下北向立

立定俟太常卿前導冊寶太傅以下後從冊寶入殿門

宮架作聖安之樂至殿西階下冊寶位置定樂止太傅

以下就位立定次引舉冊官搢笏舉冊吏部侍郎押冊

案中書令奉冊次引舉寶官搢笏舉寶禮部侍郎押寶

案侍中奉寶太常卿前導冊寶置於殿下當中褥位南

向置定侍中以下俱退復位立贊者曰拜太傅已下在

位官皆再拜訖次禮直官引本殿提點官詣傳冊寶褥

位西向立次引舉冊官詣冊案之左右東西相向搢笏

舉冊禮直官太常博士引太傅詣冊案之北南向搢笏

奉冊宮架作禮安之樂奉冊詣傳授冊寶褥位東向執

笏少立舉冊官跪舉冊次太傅及本殿提點官各俛伏

跪太傅搢笏以冊授提點官提點官搢笏奉冊訖各執

笏俛伏興舉冊官舉冊興提點官奉冊詣殿東階下褥

位西向置定樂止舉冊官執笏興退復位提點官再詣

傳授冊寶褥位西向立次引舉寶官詣寶案之左右東

西相向搢笏舉寶次禮直官太常博士引太傅詣寶案

之北南向搢笏奉寶宮架作禮安之樂奉寶詣傳授冊

寶褥位東向立執笏少立舉寶官跪舉寶俟太傅提點

官各俛伏跪太傅搢笏以寶授提點官提點官搢笏奉

寶訖各執笏俛伏興舉寶官舉寶興提點官搢笏奉寶
至殿東階下褥位西向置定樂止舉寶官執笏興退復
位次引太傅退復位立次引提點官奉冊寶內侍舉冊
寶興進行宮架作聖安之樂出射殿東便門將至慈寧
殿安奉處樂止太傅已下并陪位官退就次以俟皇帝
於禁中遙賀皇太后如宮中之儀太傅以下至陪位官
服常服詣南宮門外拜表遙賀皇太后次詣常御殿拜
表稱賀並如常儀訖退

紹興十二年八月二十三日皇太后還慈寧宮

還宮典禮詳具回鑿奉迎門至十月十八日奉冊寶進慈寧宮其儀注畧具於後

十月十六日禮部太常寺言入內內侍省副都知慈寧
宮主管事務籃珪劄子奏勸會見收奉皇太后冊寶今

來皇太后已還宮所有奉上冊寶日分并禮儀使取進
止奉旨令禮部太常寺討論申尚書省今參酌到合行
禮儀下項 一勸會昨於常御殿皇帝命使奉上皇太
后冊寶俟還宮日奉進止今欲乞於今月二十五日以
前擇日令主管慈寧宮事務官奉進一奉進冊寶儀注
其日張設慈寧殿又設座於殿上當中皇太后服禕衣
即御座本殿官設冊寶於殿下慈寧殿主管事務官并
本殿官並朝服詣殿下再拜訖本殿官搢笏舉冊寶主
管事務官搢笏奉冊寶升殿奉進先進冊寶俟進冊寶畢
皇太后降座易禕衣服常服次皇帝詣慈寧殿賀皇太
后如宮中之儀次宰臣率百寮詣常御殿門外立班拜
表稱賀皇太后表文令禮部修撰本殿官合服朝服乞

令主管事務官闕祇候庫支借事畢送納一太史局
供到狀選定奉進皇太后冊寶吉日宜用十月十八日
丁丑二十三日壬午吉詔用十八日餘依
十月十八日奉上皇太后冊寶文武百寮詣常御殿門
外拜表稱賀詔作假一日不視事

中興禮書第一百七十五卷

嘉禮三

皇太后回鑾一

紹興九年正月十八日詔兩宮御幄儀物禮數可令禮
部太常寺日下議定奏聞

王倫知開門事
蓋珪為使副

時迎護梓宮奉迎兩宮交割
地界差同知簽書樞密院事

正月二十日禮部太常寺奏今參酌議定儀物禮數下
項一奉還兩宮使副等朝見兩宮訖初進發沿途程
頓合於行宮依次序各設御幄內皇太后皇后幄各施
簾一使副等每日詣皇太后御幄簾前先兩拜班首
奏聖躬萬福訖退詔依

正月二十一日新除東京留守王倫今月十八日內殿

奏事面奉聖旨候將來迎奉皇太后過界日就東京選
 差內侍二員院子一十八人充本殿祇應及令倫交割
 留守司職事與以次官將帶一行司屬扈從起行在
 正月二十四日御輦院奏契勘迎奉太后所在有乘坐
 龍輿從乞下所屬從本院合千人指說製造詔依院御
會到龍輿轎子四竿頭係用金鍍銀琉璃頭粒飾之
並轎子內所設帳子細褥並係黃花羅製造
 二月二十三日翰林司奏契勘將來引從皇太后合排
 辦器皿什物欲乞製造金鍍銀粒平銀龍燎籠一副鍍金
銀作子梅紅線圓板條金之
鍍銀裏兩頭朱紅漆轎子全
 一條金鍍銀平銀龍湯瓶二隻注碗一副盤盞一副子蓋
 全壘五隔隔樸六片湯茶筒子五箇熟水榼子二隻果
 樸三千隻金平銀龍茶托子一隻茶匙子一柄茶盞盞蓋

子一箇金稜平銀龍白定磁湯茶盞二隻紅漆茶籐面
 面床一張梅紅羅表裏三副夾帕一條梅紅羅表裏絹
 夾裙一條腰瀝水礪石柱朱紅漆籐面從籠子一對紅漆
紅漆轎子全槐黃絹三幅夾帕四條朱紅漆籐面桌子
 二隻機子一隻大合二具詔令申尚書省下文思院依
 數如法製造

二月二十五日御厨奏本厨引從合用器皿衣帶等欲
 乞指揮文思院製造詔依令工部計料下戶部應副
 二月二十六日都省批下禮工部狀文思院製造太后
 龍輿及合用從物今參酌比附擬定到太后龍輿御座
 椅子緞扇從物名件等金鍍銀香毬二座藥壘子二桌
 底紅線絡子幹竿子全合子一副匙子大沙羅一面把手

全銀兒小沙羅一面御水桶一隻黃線全看罐子一隻手紅
全線條唾盃一隻鉢盃一隻手中筒一隻紅線全搭濾子一
柄紅羅兒全袋黃羅織二柄黃袋全黃羅暖扇四柄黃袋全紅羅
黃羅綉手中二條黃羅裏椅背座子一副御座朱紅椅
子踏子一副內過行幸係黃絹油雨傘二柄全袋紅黃銷金
拂扇二柄水晶柱芥子一柄玉鉞一柄小扇子四柄緋
羅綉雉扇六柄黃絹袋并油扇袋全本部下太常寺看詳得名件
數內除水晶柱芥子一柄玉鉞一柄小扇子四柄不合
製造外其餘並合製造本部今欲依太常寺所申伏乞
朝廷詳酌指揮後批送工部製造
三月十六日上諭宰臣曰太后歸一行從物務從簡樸
如器皿等塗金可也朕自即位服食器用未嘗妄費卿

等所知

四月四日禮部太常寺言勘會已降指揮令王倫等候
見得奉還兩宮回至本界日預先約度申朝廷行下所
屬照會竊慮不測奉還兩宮到來令先次參酌比附條
具到合行事件下項 一合差奉迎兩宮扈從兩禮儀
使一員乞差執政官或使相 一奉迎兩宮一行事務
合差扈從都大主管官一員乞差近上內侍 一扈從
禮儀使以下初見皇太后是日有司於行宮設幄施簾
侍御如儀皇太后即御座侍御起居如常儀本殿官起
居奏聖躬萬福次禮直官引奉迎使以下入就幄殿下
立定先兩拜訖且躬身班首出班奏聖躬萬福訖復位
又兩拜訖退 一沿路經過州縣預集長吏以下並出

城於奉迎處立班俟皇太后龍輿將至班首以下並兩拜訖且躬身班首奏聖躬萬福又兩拜訖直身立俟皇太后龍輿過班退奉辭依此若值兩降免拜班首只奏聖躬萬福一將來到行在日依禮例是日皇帝率百僚出城迎奉兩宮所有儀注乞從太常寺修定申請一城出合用御幄並合於皇帝御幄已北設兩宮降舟幄次及百僚幕次乞令臨安府同儀鑾司排辦一奉迎兩宮合差禁衛乞下主管禁衛所差撥詔差孫近藍珪餘依四月十六日參知政事孫劄子奏臣恭被聖旨差充奉迎兩宮扈從禮儀使今來奉迎兩宮事干典禮欲乞下太常寺差禮直官一名太史局冠擇官一名詔依四月二十九日臣僚上言奉迎兩宮到行在奉聖旨於

前路祇候迎接臣切詳詔旨有以見陛下念親之深朝夕拳拳之意然前路奉迎未知所止何地若去城差遠勢須宿頓則千乘萬騎未易輕動如或省節儀衛則又非所以嚴儆備臣考漢史見孝文即位之初太后在代止是遣車騎將軍薄昭往迎未聞其親往唐明皇自蜀歸至咸陽距長安無四十里而肅宗始備法駕迎於望賢宮亦未聞其遠適今兩宮既還陛下致天下之養永永未已其承顏之樂豈較一日之速哉欲望聖慈明降睿旨止於近處陳設幄次以為奉迎之備庶可朝出夕歸於事理為稱詔依奏於臨安府於前路祇備迎接五月五日禮部太常寺言准都省批下扈從禮儀使司狀勘會奉迎兩宮還闕所有進發次序伏乞行下所屬

議定施行批送禮部太常寺日下議定申尚書省契勘
將來皇太后淵聖皇帝過界竊慮未必同到若於東京
伺候同日進發又慮道途宿頓相妨今議定欲以先到
東京日先行進發赴行在詔依

五月十九日扈衛都大主管所言准尚書省劄子韋淵
奏乞前去奉迎皇太后恭奉聖旨許臣迎接契勘臣將
帶近親迤邐北去所有將來迎接皇太后有逸頓依例
合問候聖體及沿路趕赴簾前起居奏事及親屬入見
等禮儀乞先次劄下禮儀使及都大主管官照會遂具
聞奏奉御寶批遇有奏事令簾前奏陳問聖體一節令
聽喚使臣轉奏

六月二十三日禮部太常寺言東京留守司狀契勘奉

還兩宮到東京界所有儀衛一行人從合着色服乞下
禮部太常寺討論製造仍奉聖旨討論申尚書省禮部
太常寺今討論將來兩宮進發赴行在其儀衛色服合
服緋綠羅盤鵬背子於祇候庫闕請詔依先是六月十
日扈衛都大
主管所言已降指揮奉迎一行人并禁衛所先差禁衛
四百人隨龍輿至楚州祇候並就用東京觀從親事鞏
子官人數並給散服者至是討論依先降詔旨

中興禮書第一百七十六卷

嘉禮四

皇太后回鑾二

紹興十二年四月一日詔兩宮將來過界奉迎扈從禮儀使差參知政事王次翁都大主管官差內侍藍珪提舉應辦事務差江東轉運副使王煥

四月十日權禮部侍郎施垌等言勘會已差奉迎兩宮禮儀使非晚起發慮恐合捧表前去今欲乞令學士院修撰皇帝遣使奉迎皇太后表降赴禮儀使齋捧前去迎見皇太后朝見訖簾前捧進詔依
四月十三日禮部太常寺言勘會今來已差迎奉兩宮禮儀使今續行條具申請下項
一沿路經過州縣依

紹興九年指揮預集長史以下並出城於奉迎處立班
今來欲乞依已定儀注報轉運司行下經過州縣遵執
一迎奉兩宮至行在依紹興九年指揮是日皇帝率
百僚出城奉迎先據臨安府相度踏逐到餘杭門外德
勝橋東倉充設帳奉迎去處今欲乞令本府再委官前
去相度脩整詔依

四月二十四日禮部太常寺言勘會昨紹興九年十二
月十二日奉上皇太后冊寶禮畢是日皇后詣慈寧宮
遙賀皇太后同日文武百僚詣南宮門外拜表遙賀皇
太后次御常御殿下拜表稱賀所有今來奉迎皇太后
還宮實為大慶合行拜表稱賀今欲乞俟奉迎皇太后
還宮次日皇帝詣慈寧宮賀皇太后如宮中之儀宰臣

百僚詣常御殿門外拜表賀皇太后次詣常御殿拜表
稱賀所有外路監司郡守亦合奉表稱賀詔依

同日禮部太常寺言勘會今來奉迎皇太后非晚到闕
欲比附自來大慶禮例候皇太后還宮日擇日差官奏

告天地祖宗廟社稷諸陵詔依

大稷差兩省官宗廟諸陵並差宗室大將軍

選用九月九日戊戌吉

五月八日禮部太常寺言准都省批下扈從禮儀使司
並都大主管所申契勘奉迎兩宮還闕所有禮儀使已
下所見皇太后及每日沿途起居已並儀制外其一行
扈衛諸班直親從親衛官等未有儀製伏乞詳酌下有
司契勘施行後批送禮部同太常寺勘詳今看詳一行
扈衛諸班直親從親事官等初見皇太后是日有司於

寶華堂
行宮設帷簾前侍衛如儀皇太后即御行扈衛諸班直親從親事官等躬身唱喏兩拜訖且躬身班首一員奏聖躬萬福訖再唱喏畢直身立依次排立俟朝見官退並退每日程頓於皇太后簾前起居一如上儀訖依次陳列行次詔依

六月七日詔淮南官吏軍民等朕嗣守丕圖躬行要道蓋將教孝夫豈病民仰惟母后回鑾獲伸天下之養已命有司備禮唯資外府之儲取具一時靡勞百姓慮州縣罔祇於德意致里閭或困於征求吏而不良刑茲無貸今來皇太后一行應沿路州縣合供辦什物之類並令戶部科撥的確係官錢物應付不得少有科敷騷擾如違許民戶越訴監司夫有按刻並一等科罪

六月九日禮部言准都省批送下御史臺閤門今契勘將來奉迎兩宮至行在是日皇帝率百僚出城奉迎其設帷去處臨安府已行相度排辦外所有宰臣執政官文武臣僚奉迎侍班幕次欲令臨安府差官同御史臺閤門知班同共相度脩蓋席屋三十間使用其所集文武臣僚欲乞候皇帝將至並迎駕起居候降輦入帷退歸幕次侍班若遇雨降或霑濕亦乞只就侍班幕次及東倉空屋內隨宜立班施行後批送禮部看詳尋行下太常寺本寺欲依所乞施行詔依

紹興十二年七月三日詔差內侍黎琦隨逐壽國柔惠淑婉和懿慈穆育聖王夫人往泗州等處奉迎皇太后七月十四日詔自盩厔登舟至臨平鎮

內中進呈奉詔不乘御座步至御幄

八月九日禮部太常寺言勘會車駕詣臨平鎮奉迎皇

太后除從駕官外餘官於東倉奉迎今具奉迎儀其日

俟皇太后御舟將至御史臺閣門分引合立班官立班

定俟皇太后御舟至班首拜在位官皆再拜候拜訖班

首不離位奏聖躬萬福訖在位官並再拜訖直身立俟

皇太后御舟過班退若值雨降止就幕次詔依

同日權戶部尚書莫將戶部侍郎張澄沉昭遠兵部侍

郎程瑀刑部侍郎周聿敷文閣學士知臨安府俞埃給

事中程克俊中舍人李易敷文閣待制兼侍講秦梓權

禮部侍郎施坳起居郎張擴起居舍人楊愿劄子等恭

聞皇太后鑾輿旦夕歸還宮闕欲乞今月十一日同班

上殿稱賀以伸臣子驩忭之情伏望敷奏施行詔依後自

南班宗室帶單並引例乞上殿稱賀

八月十日閣門言勘會車駕奉迎皇太后今參酌欲將

昨車駕巡幸例比擬到畫一事件一車駕進發日宰

臣以下合扈從官并祇應等并履笏赴後殿起居訖從

駕一沿路至任臣處閣門官以下並管軍御帶并不

候宰執到令先起居或奏萬福外所有宰臣執政官奏

事及上殿臣僚閣門官奏事仍入內官引如至臨平鎮

並奏萬福一沿路如遇雨雪濕臣僚等並免起居如

省察院及臣僚奏事並入內官引一沿路得旨上殿臣僚令戎服上

殿詔依

八月十四日御史臺閣門言車駕奉迎皇太后除三衙

諸司應奉官及文臣侍從起居舍人以上扈從外其餘
官於東倉奉迎及近降指揮令儀鸞司排辦赤岸頓臨
平鎮鎮令具合行申請事件 一迎奉皇太后還闕其
所集百官欲乞文臣職事官承務郎以上并南班宗室
及文武陞朝官以上趨赴 一侍從居舍人以上從車
駕至臨平鎮奉迎餘官於東倉奉迎文武百官欲乞俟
皇太后御舟將至百官奉迎訖次迎駕起居若值雨降
或霑濕乞依已降指揮並上於幕次內隨宜立班詔依
八月十五日詔今月二十一日詣臨平鎮奉迎皇太后
於門外德勝橋登舟
同日閣門言今日擬定車駕奉迎皇太后節次其日皇
帝不視事行門禁衛諸班直親從官等并輦下入殿內

排立皇帝服履袍出鳴鞭行門禁衛等迎駕自贊常起
居次知閣門官已下并應奉官 並履 諸司祇應官 並繫
并內侍省押班以下帶御器械官 並撲頭窄衣 鬪班迎駕
宣名常起居皇帝座次舍人分引宰臣已下一班鬪班
並履 宣名常起居次管軍 撲頭窄衣 一班宣名常起居
訖皇帝起居鳴鞭升輦至監橋章亭驛御帳降輦登舟
續降百子門外 進發至城外東倉文武百僚俟御舟將
至迎駕常起居俟御舟過兩拜奉辭俟御舟將至臨平
鎮前導官太常卿已下履笏迎駕常起居次禁衛諸班
直親從等迎駕自奏聖躬萬福御帳前知閣門官已下
脩注并應奉官 並履 諸司祇應官 並繫 并內侍省押班
已下并帶御器械 並撲頭窄衣 鬪班宣名奏聖躬萬福次

管軍

並撲頭窄衣執骨朵

一班宣名奏聖躬萬福訖次宰臣執政

官以下一班鬪班宣名奏聖躬萬福簾降應奉并前導
官等權退俟太皇后御舟將至隨駕禁衛班直親從等
並奉迎兩拜俟皇太后降舟入幄御史臺閣門分引從
駕官并前官導詣皇太后御幄前隨地之宜宰執以下
一班立定兩拜訖班首奏聖躬萬福訖再兩拜訖退管
軍并前導官詣皇帝御幄前立定簾捲前導官前導皇
帝詣皇太后御幄簾前前導官退皇帝入幄詣皇太后
御座前朝見如自來宮中之儀皇帝出幄前導官前導
皇帝歸御幄俟皇太后還宮至東倉前文武百僚奉迎
兩拜訖班首奏聖躬萬福訖又兩拜具立俟車駕將至
迎駕常起居皇帝還內如來儀貼黃從駕至臨平鎮如

經宿臣僚逐班赴御前早朝起居如上儀如皇帝未降
御舟止赴御舟前起居貼黃皇太后一行禁衛親從等
迎皇太后一行官詣皇帝御幄前一班常起居該宣名
即宣名貼黃稱奉迎皇太后回日如御服窄衣臣僚并
公服繫鞋取聖旨詔其日服窄衣至章亭驛登舟臣僚
並繫鞋俟迎見皇太后服履袍餘依擬定

八月十六日衛茂實得旨令普安郡王隨駕至臨平鎮
迎奉皇太后

八月二十二日車駕至臨平鎮奉迎皇太后帝入幄朝
見宰臣文武百官班次外起居如禮官所定儀上初瞻
慈容喜深感極淚濕龍銷軍衛歡呼聲動天地父老童
稚夾道擁觀以手加額曰不圖復見聖神母子重歡如

此

八月二十三日車駕還臨平皇太后還慈寧宮宰臣文武百僚表賀

八月二十六日提點慈寧殿宮藍珪劄子奏今具合行事件一乞以提點慈寧殿所為名乞下禮部鑄印一顆一乞權差諸官司已出職人吏一名充點檢文字乞於內外官司指名抽差手分三人充本所書寫行遣文字詔依

八月二十七日奉迎都大主管所言勘會奉迎兩宮還闕依已降聖旨文思院等處造到皇太后從物織扇於祇候庫寄取今來奉迎皇太后還內其上件從物等合本殿收掌今欲乞報元寄收官司除破撥充本殿應奉

使用奉御寶批依自後每過皇太后詣景靈宮燒香等案差禁衛諸班直文武

親從共五百六十六人祇應前引七十四人行宮殿門

從政殿親從一十二人巡檢司都下親從二十人快行

親從二十人殿前指揮使二十二人中道六十人編排

禁衛行門一十人禁衛圍子四重共四百一十人從裏

第一重崇政殿親從一百人從裡第二重御龍直四人

骨朶直一十人弓箭直七人弩直六人東西班七十三


人從裏第三重執燭籠都下親從一百一十人從裏第

四重內殿直一十二人散祇候金鎗銀鎗散員散指揮

散都頭執從物御龍直三十人執大扇文武十人崇政

殿親從欄前一十人東西班直各一十一人後從殿前

指揮使二十二二人



原件短缺

卷177

九月二十一日權禮部侍郎施珣等言奉聖旨自祖宗以來皇太后殿前有無提點所令有司討論聞奏今討論國朝故事祖宗以來皇太后殿並無提點所稱呼詔藍珪改差慈寧宮主管事務提點所可罷十月七日平樂郡王韋淵奏先覩紹興七年三月十七日降御劄宣和皇后尊冊皇太后五月二十七日奉聖旨聖太后親姪謙記名與轉七官並除閣門宣贊舍人繼於紹興十一年內蒙聖恩將臣小男誼許依謙記等體例推恩了當今來皇太后親侄彥章係臣次男隨從皇太后歲久及隨從鑾輿還闕伏望特降睿旨許依謙記誼等已得指揮推恩詔依

中興禮書第一百七十八卷

嘉禮六

登寶位一

靖康元年十一月十五日康邸奉淵聖皇帝詔奉使窩
離不軍前議和止師資正殿學士王雲為副中書舍人
耿延禧觀察使高世則參議都監東頭供奉官藍珪黎
案入內西頭供奉官楊公恕內知客修武郎韓公裔從
行十六日發京師二十日至磁州王雲耿延禧高世則
等從王詣應王廟應王者崔府君封嘉應侯燒香訖偶磁人殺雲是
夜知相州汪伯彥據城上西南團敵樓上卓望使臣桑
說飛申卓望州西火炬連接伯彥即亟作蠟書遣騎兵
二人詣磁州報王其大畧曰國家遭陽九之厄金人猖

振連歲深入排難解紛尤賴維城王實道君皇帝之皇
嗣今皇帝之介弟二聖被圍維城之望有待于大五金
人初至城下大王奉使虜中難艱備嘗速其退師大王
還京乃免北去天未悔禍今再犯京城大王奉師使于
外大王措身於安地然後二聖有維城之託大王奉使
議和初謂窩高不在真定故疾馳直北以往今窩高不
已過河用兵已趨京師大王衝冒風雪徒御奔波不若
夙駕回相州稍圖起義牽制金人以副二聖維城之望
請王仍戒約二十二日早發磁州城下

閏十一月二十一日王詣相州後園過飛仙亭下亭高
數十丈王命弓矢祝曰使吾過河射中飛字矢發乃中
又祝曰再中仙字即虜不吾欺果再中又祝曰誠如是

耶再中亭字吾滅虜無疑又中之凡三發三中諸軍將
士莫不神異之

二十七日衙兵使臣報覆京師差使臣來到王即令藍
珪審察得實引忠翊郎閤門祗候秦仔以前拜訖白曰
御前此月二十日遣來仔弊衣裏蠟彈出以納王令入
內知客韓公齎破蠟得黃絹方四寸許皇帝親筆細字
知卿起義勤王可除兵馬大元帥陳享伯元帥汪伯彥
宗副元帥應群官行事並從便宜王讀訖憂形于色涕
泣繼之後一二日御前使臣先後至者七人各齎蠟彈
被封皆奉親筆詔悉如前當日王命伯彥差人洒掃通
衢群目所視處設香案南嚮望闕謝恩受兵馬大元帥
命南仲伯彥延禧世則從拜軍民觀者駢肩歡聲洋溢

喜聞天子命令王既謝恩備坐皇帝親筆劄子伯彥准此及牒門下侍郎耿南仲今來當所被奉親筆充兵馬大元帥便宜行事所有起發召募兵將等職事亦合依舊同共措置施行於是南仲與軍中謀議凡軍事同伯彥詣王稟可乃行十二月十四日發行軍馬十五日晨興五軍次第已行探河使臣來報黃河已凍及九分子城渡夜來尚有數十丈未凍合僚屬失色上下猶處豫王顧幕府僚屬曰但行至河遂旋相度王即刻上馬幕府僚屬次第上馬踐冰雪先過河將至子城渡再報黃河半凍合前軍人馬先次囊沙土負束芻藉諸冰上次第前渡幕府僚屬於是服王料事無遺策也王乘兵車舟人拽車履冰先行伯彥與諸僚屬等並策杖扶掖以

履次第到岸俄頃見大王已乘馬南仲暨諸將皆擁衛其後王問五軍人馬渡河齊足否伯彥等對曰大王隨府及五軍無一人一騎損失王再三拊循五軍驩呼奮勇伯彥等稱慶

二十三日據知興元府曾懋申金人軍前差簽書樞密院事曹輔前來本府訪尋康王所在并錄曰曹輔所傳蠟封皇帝已登城歛兵不下見議通和卿等領兵未可輕動恐徒誤國并樞密院劄子礬書諸路勤王人兵且於稍近三五程間駐劄候師退日放散二十五日王聚幕府僚屬議行軍所向宗澤請行王直趨開德府次第進寨以解京城之圍伯彥等請大王東去指東平府以居兵馬大元帥府二十九日自宿定安

鎮二年正月一日宿陽穀縣三日東平府二月十二日幕府聚議約與諸路會合宜進寨濟州駐劄二十三日至濟州

三月二十七日大元帥府節次據探報得京城事宜二聖驛駐城外張邦昌為金人迫僭位號南仲伯彥延禧耘世則夙夜侍王幕下王憂危不解忽一日興仁府駐劄黃潛善申有機密大事乞赴府稟議王旨劄下潛善起發前來潛善是日將帶到一行親兵赴府公參尋引到硬探人李宗元去京城下硬探於京城內買得推戴張邦昌文字一紙金人偽詔一紙邦昌赦文一紙邦昌迎立孟太后書一紙並是雕印潛善出上件文字呈王王讀之洒涕隕淚語幕府僚屬曰狂虜尋釁肆貪陷我

京城邀我二聖暨諸太子親王近臣質于虜寨恐將挾以北遷須急速劄下河南北諸府郡應官民之兵及河南北諸山寨諸頭項土豪民兵併力把截隨所居地分差得力人遠探金人渡河回歸之日或把河斷橋或據險設伏或迎擊于其前或追襲于其后當府當親領大軍前去策應効死解難迎還二聖并馳檄副元帥宗澤仰督責河南北諸府郡及河東河北山寨水寨諸頭項義士首領火急依應今來指揮施行南仲伯彥奉以施行四月二日王集幕府僚屬聚議念京城圍閉朝廷命令久不通恐四方失系望姦宄乘時妄作乃命延禧草檄書命南仲伯彥潛善通共參訂呈定本訖奉以施行遍下諸路其辭曰兵馬大元帥皇帝康王構檄郡邑曰見

危致命者忠臣之心視死如歸者烈士之勇凡在率土
世沐湛恩今陳瀝血之詞庶獲捐軀之効邇者上皇禪
位下詔責躬事出忱誠人皆惻隱恭惟皇帝遵養潛邸
十有五年克儉克勤博通經史天下延頸莫不歸心及
受禪之初金人大入許割三鎮乃肯退師皇帝念祖宗
之故疆仍陵寢之重地請計賦租之入以為歲幣之常
乃曰渝盟實惟求釁再操戈而指闕遂鼓衆以乘墉至
屈已稱臣露章引咎初斂兵不下詔曰通和既邀駕出
臨乃輒留駐且既已降詔而割地民畏在衽而拒闕又
為隙端以肆貪欲今者二聖太子諸子近臣皆質賊營
恐將北去考之自昔未之或然臣子之心痛憤徹骨御
名昨奉睿旨充兵馬兵馬大元帥倡義率衆影答數百

萬衆奮怒而前內揆人心可知天意逼逐狂虜今茲已
行而強抑臣僚俾僭位號天怒人怨曷能安居除已發
遣大兵糾合諸郡把隘險阻焚絕河梁或迎擊於前或
進躡于後期於掃清千里迎還兩宮外帥臣監司郡守
縣令其統驍銳之衆使盡忠義之心撫柔良之民毋忘
歸戴之舊凡關津之出入謹于防姦或文書之往來審
于詐偽以報皇朝之涵養以底天下之治安報德賞功
非言可究三辰在上實聞斯言檄書到日曉示軍民各
令知悉四日先馳檄大河南北諸郡并河東河北山寨
水寨諸頭項義士邀擊金人及劄促諸路勤王師帥於
京城下會合聽候指揮去從是日王又命幕府召諸將
會議合行事務于是門下侍郎耿南仲元帥汪伯彥副

副元帥黃潛善參議官耿延禧董耘高士則幹辦官楊淵王起之秦百祥隨軍轉運使梁揚祖黃潛厚凡率職大元帥府文武官吏百餘人都統制楊維忠五軍統制張俊以下將士三萬衆上議勸進昧死俯伏再拜言曰金賊不道邀致二聖鑿駕北狩天未厭宋必將有主主宋祀者非大王而誰大王聰明英勇上皇之皇嗣少帝之介弟天命已兆人心實歸應天順天宜適機會天命不可以久滯人心不可以強違萬機不可以暫曠願大王即王帝位以定天下上以慰祖宗在天之靈次以慰二聖南望之意然後號令天下回戈滅虜以迎還二聖為宋中興之主天下幸甚王曰天下大器也宗廟社稷重守也孤安敢承願與二三幕屬共圖北征迎還鑿與

庶幾不愧祖宗在天之靈涕泣隨語以流避席西向以遜群僚獻欵固請王涕泣固辭南仲伯彥潛善暨諸群僚又伏哭再拜進言曰二聖北狩邦昌僭竊天下無主羣心皇皇大王不早為之圖後時有悔願大王以宗廟社稷為念速繼大統先正尊位乃議奉迎生靈延頸以望願大王幸聽俯徇羣情即帝位王復避席西向嗚咽流涕霑袍辭遜曰孤不敢當至於再三謙拒不受傳王旨請南仲以下退羣僚暨諸將乃退南仲等與諸將等既退會諸路帥臣監司郡守表奏推戴者至無虛日於是南仲伯彥潛善延禧耘世則揚祖潛厚淵起之百祥以下官屬泣血進言曰二聖北狩大王徑欲北征奉迎鑿與此大王孝悌已定以昭格神明何舉不利天下幸

甚然邦昌僭位號于京師姦雄眈眈事未歸一願少須
之先了此一段大事然後回戈北征邦昌身為宰輔受
國厚恩豈遽忘德第恐迫不得已權宜免禍而為之大
王若早為之計彼必拱手反其或後時久假而不歸矣
使邦昌久假不歸則羣凶如蝟毛起矣潛善又曰只如
邦昌初豈敢望作宰相既作得相便胡批亂判安然為
之恐遂做此不可不慮願大王催促諸頭項人馬會合
於京城下張大軍聲彼自膽落寶玉有歸苟或逆天判
理宋德在人也深卿士大夫諸軍百姓亦不為使大王
可以不煩伐鼓只消傳檄京城軍民一呼胥畔邦昌面
縛以獻而歸璽大王大王于是北征奉璽以迎還二聖
似未為晚投機之會間不容穢惟大王圖之楊惟忠張

俊及五軍統制將佐等亦進言曰北征乃將帥事願大
王即皇帝位且先理會張邦昌大事惟忠等身膏草野
圖報大王又會硬探鄭安回報金人四月一日盡離起
京城二聖六宮盡皆北駕張邦昌偽立稱大楚皇帝京
城見今繕治守禦以捍勤王之師南仲伯彥潛善延禧
世則以下因又啟曰南仲等所陳屢矣獨有天人相與
之際朕兆已久未曾畧舉願畢其說蓋聞自古帝王之
興必有受命之符故曰魚潛躍武王作周赤符顯伏光
武興漢大王奉使陞辭之日皇帝賜排方玉帶有大事
聖語被受大元帥建府之命有賜袍異夢皇帝即位紀
元曰靖康其後大王未嘗封靖也而京師之人及四方
申陳或曰靖王或曰康王迨皇帝之北遷人始悟曰靖

字從立從十二月乃皇帝十有二月而康王建帥紀年
二字實兆今日飛仙亭一牌有連中三箭之祥道君皇
帝萬里有即真二字之詔黃河之渡則陰未凝而凍忽
合濟州之瑞則紅光見而火德符命章章著聞周之武
王漢之光武何以過此大王其可久稽天命乎其可久
拂人情乎古人有言曰違天不祥願大王即函帝位上
當天心下塞人望毋固退託以取不祥王深感群僚諸
將言謝曰天命人心如是哉孤豈敢違天拂人當更思
之嗚咽掩面流涕退而批答曰醜虜肆毒踐我土地陵
我京邑遷我二帝移我神器四海同戴喁喁延首二三
大夫暨諸將佐與夫諸路帥守以天下羣情文章勸進
吾以父兄是念痛心疾首未知措身之地豈敢偃然受

天下歸往之請猥當隆極勉狗象志以答天人之休庶
以奉迎二帝恢復中原此吾誠心天實臨之公等世受
國恩同遭厄會忠貫日月精感神明實賴遠謀共濟禍
難

六日偽楚張邦昌遣使臣齋尚書劄子前來東平府興
仁府濮濟州尋訪康王弭節所在其劄子無年號但書
四月日王時雍等押字濟州回報康王領兵見在本州
屯泊去後俄而使臣李興潘謹燾二人又至稱張相公
遣來也云候得大王住處的確張相公別遣官來也
七日偽楚張邦昌差蔣師愈蔡琳程巽等齋認月于康
王是日大元帥康王復以認日答邦昌
八日張邦昌遣謝克家來歸玉璽一紐其篆文曰大宋

受命之寶大元帥府僚屬南仲伯彥潛善延禧世則等
引克家捧寶以前跪以進王王謙拒久之慟哭不受已
而跪受命伯彥司之伯彥跪奉用藏中篋守之惟謹以
俟涓吉即位會太母遣其姪孟忠厚齎書勸進王受寶
讀書訖謂者引克家忠厚以前王見以賓禮太母書辭
曰吾自處道宮垂三十載迺者都城失守二帝北遷撫
事悲摧實無生意忽承中旨俾正名號退惟閑廢之餘
當此危亡之際冒居寵數誠亦何心瀝懇辭莫之聽
許乃以此月五日入延福宮而百辟進言請權聽政顧
早衰多病且久去宮闈豈復能堪朝廷大事言念趙氏
舉不載此句書辭未畢下句是王已發濟州是二十一日也此
處有宗意喜悅問地名曰新興居伯彥進曰伯彥嘗聞
脫關

太平興國中北戎寇邊太宗皇帝幸大名親征方渡河
有謂於馬首者問其姓名曰宋捷帝喜之不旋踵果有
北戎之捷今大王治兵討賊行紹大統而宿新興天意
若曰宋室中興其命維新將克繼前人之美與夫邑號
柏人里名勝母者異矣王善其說是日廊延帥臣張澤
副總管劉光世自陝州取小路徑赴大元帥府會合光
世躬執橐鞬望馬足迎奉王命之前問勞訖光世充兵
馬大元帥府都提舉五軍簽書樞密院曹輔迎謁道左
資政殿學士路允迪諫議大夫范宗尹奉太母詔來王
進發迎謁道左

二十四日至應天府州治

二十六日張邦昌以左僕射至自京師奉王命贊者掖

以前見如賓禮邦昌詳白圍城事始末繼之悲泣王亦泣
二十七日內侍官卽成章王家奉太母詔旨管押乘輿
服御及御筆儀仗來進王坐使廳南仲伯彥潛善延禧
耘世則皆侍立成章等捧笏以前點數名伴有內道冠
一頂非人間樣制成章手拱以奉王曰太母傳語殿下
此冠自祖宗以來凡退朝宴間不戴頭巾只戴此冠後
來神宗皇帝易以頭巾循襲至哲宗皇帝道君皇帝非
祖宗制也願殿下即位後退朝宴間戴此冠便是祖
宗太平氣象王歛容流涕曰上天眷命羣情愛戴慕屬
將佐上書勸進拜叩固請至於五六吾固辭者屢矣方
此躊躇以思繼又奉道君皇帝卽真之詔太母乘輿服

御之意迫不得已敢不欽承於是命冠擇官選擇得五
月一日庚寅命有司於南京治民之左營築壇場命朱
勝非撰策文告天命滕康撰文肆赦改元命幕府官屬
聚議南仲伯彥潛善延禧耘世則等議曰王者卽位求
端於天探一元之意以正本始故必建元謹攷漢光武
中興建元為建武大王再造王室宜用光武故事紀元
恭惟藝祖皇帝誕彌之年太歲丁亥大王殿下誕彌歲
亦丁亥大元屬火宋以火德王藝祖開基改元建隆累
聖相承建至靖康乃遣中微殿下紹隆益光前列南仲
等請改元為建炎又議曰禹戒舜曰惟勤丕應侯志以
昭受上帝天其申命用休說者曰人之所弗違上天所
眷而命者也上天所眷而命則天之百神申命以休福

矣大王殿下遣靖康之亂邦昌僭稱名號之餘以聰明
英勇之姿為天下樂推而願戴人之所弗違可知也休
符屢見上天所眷而命可知也即皇帝位以承上下神
祇圖迎兩宮以安樂宗廟祖禰神器幾墜是將有以扶
其危天祚幾絕是將有以繼其緒不已之令問滋至之
天休足以施罔極而傳無窮南仲等請以誕彌聖節曰
天申

五月一日皇帝登壇夤受天命門下侍郎南仲充禮儀
使臣伯彥臣潛善臣耘臣世則凡幕府羣臣悉登壇行
事臣延禧讀策文禮畢皇帝雪涕隕淚即位于應天府
治之正廳簾陛如殿儀臣南仲臣伯彥臣潛善臣延禧
臣耘臣世則等新班稱賀訖升殿侍立臣邦昌等率百

官稱賀班退大赦天下赦文曰皇天佑宋卜世過于漢
唐藝祖承周受禪于舜禹列聖嗣無疆之歷保邦隆
不拔之基屬以朝姦稔成邊釁恃中都之安富忘外敵
之憑陵馴致金人來犯京邑初登城而不下終邀駕以
偕行痛念鑿輿遠征沙漠宗族從而盡徙宮闕為之一
空仍抑臣僚俾僭位號朕以介弟之親而受指開元帥
之府以總師方輸敵愾之忠亟奉講和之詔豈圖變故
終致陷危蓋嘗指日以誓諸軍使前迎而後請不憚瀝
血而檄率土冀外撫而內親而三事大夫與萬邦黎獻
共致樂推之懇靡容牢避之私謂疊疊萬幾難以一日
而曠位矧皇皇四海詎可三月而無君勉狗群情嗣登
大寶宵衣旰食紹祖宗垂創之基疾首痛心懷父兄播

寶齋堂
遷之難顧號令久隔衆困繫心軍旅荐興農多失業慰
民耳目之注敷朕腹心之言爰布湛恩誕綏區夏可大
赦天下應赦書到日昧爽以前罪人所犯罪無輕重已
發覺未發覺已結正未結正常赦所不原者咸赦除之
朕惟火德中微天命未改攷光武紀元之制紹建隆開
國之基用赫丕圖益光前烈可以靖康二年五月一日
改為建炎元年於戲聖人何以加孝朕每懷問寢之思
天子必有所先朕欲救在原之急嗟我文武之列若時
忠義之家不食而哭秦庭士當勇于報國左祖而為劉
氏人咸樂於愛君其一德而一心佇立功而立事同俟
兩宮之復終圖萬世之安副我憂勤躋時康乂六日車
駕詣鴻慶宮恭謝上陟降殿陞瞻禮祖宗神御哭淚兩

零大慟

十八日詔附近州縣率官吏百姓來賀非理各自勞費
亦重增感慕除今月十四日已到行在人許令稱賀外
餘並行下無令起發

中興禮書第一百七十九卷

嘉禮七

登寶位二

紹興三十二年六月九日尚書省劄付太常寺十一日
集文武百僚立班紫宸殿設仗坐次祥曦殿祇候駕出
導駕從駕臣僚諸司官詣班直親從官諸色祇應人等
並如常儀從駕

同日兵部言承指揮紫宸殿設仗今欲排設黃麾角仗
一千五十六人其合差執擎儀仗人兵及關借法物勅
號乞下所屬差辦所有總轄儀仗官伏乞朝廷差委施
行詔差兵部郎官

同日尚書省劄子太常寺狀勘會今月十一日紫宸殿

合設宮架雅樂係在欽宗皇帝服制之內備而不作其所用大樂約二千餘件乞於殿前馬步軍司差軍兵般運經由皇城門入赴紫宸殿排設其合用牌號並樂正樂工合用勅號欲乞下皇城司時暫闕借施行劄下依所申疾速施行

十日太常寺設宮架樂于紫宸殿下十一日宰執文武百僚入詣紫宸孝宗朱琮扶掖皇帝至御榻涕泣再三不坐馮孝宗傳太上皇帝聖旨請皇帝升御座皇帝升御座東側坐知閣門官已下一班起居稱賀次管軍一班起居稱賀次文武百僚橫行北向立舍人當殿稱文武百僚宰臣陳康伯以下起居稱駕皇帝降御座側身西殿下立班定太上皇帝出宮升御座起居

詳見內畢禪門

太上皇帝降座還內宰執文武百僚并退于隔門并兩廊立班聽宣內禪詔訖再拜舞蹈三稱萬歲再拜訖班權退次復追班入詣殿下分東西相向立少頃今上皇帝服履袍涕泣出宮禁衛諸班直親從儀仗等迎駕自贊帝起居又自贊賀山呼再拜殿下鳴鞭御樂馮向立不坐俟宰臣以下再拜舞蹈三稱萬歲起居稱賀畢宰臣執政官陳康伯等升殿奏臣康伯等言願陛下即御座以正南面上副太上皇授傳之意天顏愀然曰君父之命出于獨斷此大位懼不敢當尚容辭避臣康伯等再奏茲者伏遇皇帝陛下應天順天龍飛寶位第以驚下之材恐不足以仰輔新政然依乘風雲千載之遇實與四海蒼生不勝大慶因再拜賀畢奏事而退宰執

下殿皇帝還內鳴鞭宰執文武百僚並退

同日禮部太常寺言勘會今月十一日皇帝登寶位合
行奏告天地 宗廟 社稷 景靈宮 宮觀 諸陵

兩攢官據太史局選用六月十四日己卯吉所有應
合排辦事件並乞從太常寺依自來奏告體例關報所
屬排辦其所差奏告行事等官乞令太常寺具窠目申
中書省降勅差官其奏告日依禮例皇帝前後殿不視
事詔依

十二日太常寺言勘會今月十一日皇帝登寶位合行
奏告天地 宗廟 社稷 景靈宮 宮觀 諸陵
兩攢官所有合差奏告官等令太常寺具窠目申中書
省降勅差官並合前一日絕早起逐處齋宮致齋至日

行事畢退內 天地社稷 宮觀奏告官依禮例並合

差宰執或侍從官充 太廟 別廟 諸陵奏告官合

差南班宗室節度使以上充其光祿卿以下行事官並
乞差侍從臺諫兩省官禮祠部太常寺官外其餘官並
乞差卿監郎官充其兩攢官乞就差紹興府南班宗室
充候香祝到本府一面擇日行禮詔依

十三日制曰門下春秋法五始之要聿延受命之符天
地以大德曰生蓋下惟新之令太上皇帝慈儉為寶適
駿有聲垂精三紀之間圖治百王之上神謨獨運總一
日萬幾之繁聖武旁昭極四海九州之廣未嘗暇逸久
積倦勤黃屋非唐堯之心居懷重負泰元增漢武之策
欲介長年顧睿訓之博臨懼眇躬之弗稱凡今者發政

寶齋堂
施令之日皆得之問安侍膳之餘爰舉舊章用覃曠澤
可大赦天下云云於戲有天下傳歸于子敢忘付託之
恩建皇極敷帝錫厥民允副邇遐之望尚賴股肱同德
中外協謀期共底于中興以益光于永世咨爾有衆宜
體朕懷

十八日上始御後殿宰臣陳康伯因奏曰臣等以十六
日朝德壽宮太上皇諭車每至宮必于門外降輦已再
三論之既以家人之禮相見自宜至殿上降輦令臣等
奏稟此意上曰來太上皇有旨令朕不須五日一朝只
朝朔望朕于心未安卿等可計議以聞如宮降輦在臣
子于君父禮所當然詳見正旦冬至朔
望朝見起居門
同日禮部侍郎黃中等言檢閱國朝故事天下山川地

名人姓名字有犯御名及音同者令即改易其州府軍
監縣鎮官司及勅賜名額寺觀奏取指揮伏覩皇帝御
名并同音十一字御舊名計二字欲乞下刑部國子監
於文武式并韻畧內添入及乞從禮部行下都進奏院
頒降迴避施行詔依

十九日客省言契勘諸州軍及監司進奉到賀皇帝
登寶位禮物係進奏院先齋表章赴客省投下逐旋進
到本省具奏日遇朝殿日分入殿擺拽進呈訖關送左
藏庫依數交納欲依例引進其擡擎檐床天武人兵係
殿前司差撥詔依

二十六日特進觀文殿大學士判建康府事充江南東
路安撫使兼行宮留守專一措置兩淮事務和國公張

浚奏臣今月十六日准登寶位赦書內一項應諸帥臣
監司郡守依例進貢推恩臣契勘兩淮殘破及新復州
軍見今人民凋弊府庫匱乏雖欲端誠無從辦出欲望
聖慈特降睿旨應兩淮殘破及新復州軍監司守臣等
許令表奏與免進貢庶幾不至科擾于民詔依
七月一日詔立皇太子登寶位應隨龍官吏諸色人軍
兵等並照前例推恩施行七日武庫軍節度使開府儀
同三司判大宗正事恩施行七日平郡王璠奏臣庸懦
之迹濫享宗藉茲者恭遇皇帝陛下嗣登大寶鼓舞依
戀之情實倍等夷臣爰自幼歲日侍燕私之密仰荷睿
眷之隆今身雖在外而心未嘗不在陛下之側惓惓之
誠欲趨赴闕庭少陪鴛鴦之列頓首陳賀兼有本司職

事奏稟伏望聖慈特降睿旨許臣時暫前去庶得瞻望

天顏少慰臣下之心詔依自後南班宗室士錢等並引例乞赴闕恭賀詔依

十六日幹辦龍圖天章寶文顯謨徽猷敷文閣黃鉞等

奏契勘六月十七日奉聖旨藩邸官吏諸色人軍兵等

且今依舊仍與接續諸般請給過一月結局取旨合至

七月十七日結局罷今具劃一事件下項 一見掌

建王印寶候結局罷日進納御前 一皇子建王府都

監銅朱記至結局罷日繳納禮部 一藩邸兼簿籍收

支單狀在上皆有御筆合就藩邸置架閣庫安頓 一

指使宅案書表楷書客司抱笏使臣候結局罷並發遣

歸部內不因年勞補授人特到部如有拘礙並依今來

指揮應合得隨龍添差占射差遣等恩例次數並依以

前隨龍官例已得指揮施行 一引接直省官候結局
罷日發歸三省行首司詔依
二十六日禮部言准赦書內一項應諸路帥臣監司郡
守許依例進貢推恩今有合申請事件下項 一省記
到故例文臣前兩府同姓親與假承務郎異姓親太廟
齋郎兩制至少卿監同姓親與太廟齋郎異姓親郊社
郎朝請大夫至朝官同姓親異姓親並與郊社齋郎本
部契勘昨沿渡江及遺失燒燬案牘別無文字見得已
前推恩案例外今省記到故例文臣前兩府同姓與假
承務郎會到吏部稱即今係登仕郎異姓親太廟齋郎
即今係將仕郎其餘以次兩制至少卿監同姓親與太
太廟齋郎異姓親郊社齋郎并朝請大夫至朝官同姓

親異姓親並與郊社齋郎即今係將仕郎本部今相定
欲乞將前兩府見任知州軍該遇今上皇帝登寶位日
在任守土別無在假事故同姓親與補登仕郎異姓親
并其餘見任知州軍及現任轉運提刑各依故例並與
補將仕郎武臣節度使至供奉官同姓與二班差使異
姓親三班借差本部契勘武臣節度使至供奉官同姓
與三班差使異姓親三班借差本部契勘武臣節度使
至供奉官勅令所稱供奉官東頭係從義郎西頭係秉
義郎同姓親與三班差使異姓親三班借差及批會到
勅令所稱三班差使係進武校尉三班借差係進義校
尉本部今相度如有似此之官該遇今上皇帝登寶位
日在任守土別無在假事故欲並依上件故例推恩施

行京官至幕職州縣官同姓親異姓親並與補京府助教不理選限即今京府助教係將仕郎即合作將仕郎不理選限本部契勘上件官係為京官已下見任知州軍或知州軍闕正官或在假事故差京官已下至幕職州縣官依條合權州軍事該遇今上皇帝登寶位日在任守土依上件省記到故例推恩施行一勘會記得故例請路帥臣監司郡守具表遣親屬俸表管押禮物到進奏院本院齋詣客省投進訖客省進到進奉官職位姓名并捧表人姓名及緘連到已納禮物獲到左藏庫朱鈔到部本部行下進奏院勘會指定本官獲遇皇帝登寶位當日委的係在任守土別無在假等物故依故例合該推恩保明申部及批會到刑寺自皇帝登寶

位日至今別無故過犯本部擬定合補名目勘驗關司勳審覆司勳送所屬選分具鈔擬補推恩施行本部令承令上皇帝登寶位赦書內一項諸路即位監司郡守許依例進貢推恩其所行事理內除兩淮錢破及新赴州軍監司守臣等已承指揮與免進貢禮物不要朱鈔外其餘行移事理欲乞並依前項故例施行一勘會諸路監司如係獨員去處進貢依上件赦文合行赦恩外若有兩員或三員去處本部今相度如一司有兩員或三員去處該遇今上皇帝登寶位日在任守土各行奉表進貢禮物即與照應故例推恩施行候今降指揮下日行下都進奏院遍牒施行詔依八月一日禮部太常寺言幹辦龍圖天章寶文顯謨徽

猷敷文閣黃鉞等奏藩邸旌節令有司指定合安奉去處如法安奉詔令禮部太常寺討論申尚書省今檢照國朝會要元豐六年六月十二日詔以延安郡王閣牌印留內中旌節選日移至天章閣禮部太常寺今討論欲依前項典故令掌管官取旨擇日迎奉今上皇帝藩邸旌節詣天章閣安奉詔依

二十五日禮部侍郎黃中等劄子檢准赦書內一項應諸路帥臣監司郡守係前兩府及朝官等若遣親屬進貢許依舊例等第補授登仕郎將任郎推恩係理選本部契勘今來見承諸路州軍中到知州軍等官所遣親屬內係有官之人即難以補授初官本部今相度如有似此文武臣該遇今上皇帝登寶位合該推恩之人所

遣親屬若係有官之人欲乞比附吏見行合得大禮奏薦與總麻以上親轉官循資條例與見今官序上與轉行一官選人循一資詔依

二十九日詔藩邸更不立官名仍賜與皇子愔等居住九月二十四日龍圖天章等閣奏契勘奉今上皇帝藩邸旌節太常寺禮直官供到將來旌節至閣安奉合用酒果香茶蠟燭乞下臨安府排辦令本閣官行奉安燒香之禮安奉畢後每遇旦望及三節本閣官一員詣旌節前行燒香之禮及今來迎奉旌節赴閣安奉并日後燒香乞就留藩邸香案并花瓶麻爐匙合在閣供設使用所有銀酒注盤盞盞茶托等物件欲乞下文思院計會本閣製造送納詔依

十二月十一日臣僚劄下奏臣伏覩陛下登寶位赦書
內一項應諸路帥臣監司郡守許依例進貢推恩雨露
溥施邇遐歡頌訪聞諸路已捧表進貢而有司拘以六
月十一日不在任之人不該推恩明行告示謂有省記
臣竊惑之詳思赦書該括並以赦到日為始而諸路帥
臣監司郡守滿替及到任有在六月十一日之後赦書
到之前今也在任之人既准赦書自合捧表進貢乃云
十一日不在任不該推恩審如是則十一日在任者既
以替去借以為合該推恩則又無捧表進貢之事是二
者皆不可得豈陛下加惠之意乎赦到日為始應于事
並已施行獨於此一項却從省記理有未安伏望聖慈
更賜睿旨伏有司討論施行詔六月十一日在任人許推恩

中興禮書第一百八十卷

嘉禮八

皇帝朝德壽宮

紹興三十二年六月十一日詔今月十二日詣德壽宮
朝見

同日禮部侍郎黃中等言今月十二日皇帝朝見太上
皇帝儀前期儀鸞司設大次於德壽宮門內小次於殿
東廊西向其日俟皇帝出即御座從駕臣僚禁衛等起
居如常儀皇帝降御座乘輦將至德壽宮報文武百僚
詣宮門外迎駕起居訖前導官太常卿閣門官太常博
士禮直官先入詣大次前分左右立定俟皇帝詣德壽
宮大次降輦入次御史臺閣門太常寺報文武百僚入

詣殿庭北向立定前導官前導皇帝入小次簾降俟太
上皇帝即御座小次簾捲前導官導皇帝升殿東階詣
殿上折檻前奏請拜皇帝再拜訖前導官導皇帝稍前
躬奏聖躬萬福訖導皇帝復位立又奏請拜皇帝再拜
訖導皇帝詣太上皇帝御座之東西向立前導官於殿
上隨地之宜少立揖班首已下躬典儀曰拜贊者承傳
曰拜在位官皆再拜訖直身措笏躬身三舞蹈跪左膝
三叩頭出笏就一拜又兩拜拜訖且躬身班首不離位
奏聖躬萬福訖典儀曰拜贊者承傳曰拜在位官皆再
拜又兩拜拜訖直身立卷班出前導官以次退從駕官
以俟從太上皇帝駕興皇帝從入見太上皇后如宮中
駕還內之儀訖以俟皇帝還內如來儀每遇正旦冬及詔依

同日内侍楊敏中傳宣閣門今月十二日車駕詣德壽
宮起居進早膳應從駕臣僚逐幕次賜食畢從駕還內
應在內諸門並比常早一刻開如值雨應從駕臣僚並
儀衛等並許將雨具

十二日詔今月十三日特作歇泊假一日

十三日尚書省言勘會百官遇朔望合詣德壽宮起居
緣車駕至日詣宮竊慮相妨詔令宰臣率百官於初二
日十六日詣德壽宮起居

同日詔今後車駕詣德壽宮除經過官司起居外餘並
免

十五日禮部侍郎黃中等言准六月十三日詔朕欲每
日一朝德壽宮以修晨昏之禮昨日面奉太上皇帝聖

旨謂恐廢萬機勞煩群下不蒙賜許可謂委禮官重定其期如前代朔望甚為踈濶朕不敢取禮部太常寺今討論除正旦冬至欲依已降指揮并修定儀注外謹按漢書高皇帝五日一朝太上皇今欲乞依前項故事每五日一次皇帝詣德壽宮朝見太上皇后帝太上皇后並如宮中之禮是日從駕官回作歇泊假詔依討論到事理施行仍並用一五日其對面班改用三八日同日太常寺狀勘會朔望車駕詣德壽宮日分係行宮中之禮即不集百官陪位立班止係從駕臣僚及閣門狀契勘車駕詣德壽宮起居係用自來常例從駕臣僚宰臣執政官太尉刺史以上學士待制六曹侍郎以上給事中中書舍人起居郎舍人宗室遙郡刺史以上劄

付太常照會

同日詔今後車駕詣德壽宮起居畢駕回應從駕臣僚等並免奏萬福次日依例特作歇泊假一日

同日尚書省言勘會已降指揮車駕詣德壽宮起居次日作歇泊假詔除諸司應奉人作假外其朝廷百司更不作假

同日詔今後宰執以下詣德壽宮起居日特不視事百司並不作假

同日御史臺閣門言勘會已降指揮令宰臣率百官于初二日十六日詣德壽宮起居契勘德壽宮殿内外地步窄隘及值雨或霑濕別無立班去處今相度欲乞遇前項立班日分本臺乞用監察御史以上閣門乞用橫

行并御帶以上起赴立班詔依
二十二日禮部太常寺言准六月十七日詔太上皇帝
有詔却五日之朝朕于子道問寢侍膳尤宜勤恪聖訓
丁寧朕心未安有司宜詳議以聞禮部太常寺今詳議
除旦望皇帝詣德壽宮朝見太上皇帝太上皇后外今
欲乞於每月初八日并二十三日詣德壽宮朝見並如
宮中之儀詔依

七月八日都省批送下閤門申奉上太皇帝聖旨宰執
等朔望到宮既非假日誠妨職務又不欲遽相遠可令
遇初二日一到望日更不須來詔今後每月初二日宰
執率監察御史以上赴德壽宮起居十六日率侍從以
上起居各門今契勘初二日十六日除應奉閤門官并

舍人起赴外每月初二日宰執率監察御史以上赴德
壽起居宮其武臣橫行御帶以上未審合與不合起赴
及十六日侍從以上起居其武臣正任以上未審合與
不合起赴後批送禮部同閤門御史臺限一日看詳
同日詔恭奉太上皇帝聖旨前嘗止宰執等月內兩到
宮今聞尚與前說不異緣宮前無待漏去處緩急陰兩
使百官暴露殊不安懷可今後只初二日率從官等同
一次來當恭依太上皇帝聖旨施行

二十一日御史臺禮部閤門言准都省批送下閤門申
每月初二日武臣橫行御帶以上未審合與不合起赴
德壽宮起居後批送禮部同閤門御史臺看詳申尚書
省尋下太常寺看詳據本寺申每月初二日欲乞用武

臣橫行御帶以上趨起居御史臺禮部閤門今看詳
欲依太常寺看詳事理施行詔依

十二月十八日禮部侍郎黃中等言勘會已降指揮每
月初一初八十五二十二日車駕詣德壽宮起居緣正
月八日英宗皇帝忌辰三月十五日明德皇后忌辰委
是相妨今欲乞改用正月初十日三月十六日車駕詣
德壽宮起居詔依

隆興元年三月十六日睿思殿祇候黃保躬奉聖旨指
揮閤門錢周材乞德壽宮起日引見上殿奉太上皇帝
聖旨錢周材與免引見如日後臣僚乞赴宮引見並與
特免

二年七月二十八日詔八月二十一日壽聖太上皇后

生辰車駕詣德壽宮起居上壽前後合一日並不視事
二十二日歇泊假同日車駕詣德壽宮起居今後准此
八月二十一日內侍楊震奉聖旨指揮閤門得太上皇
帝聖旨今月二十一日壽聖太上皇后生辰車駕詣德
壽宮起居上壽所有二十二日免到宮今後准此
乾道二年五月二十五日詔六月一日車駕詣德壽宮
起居為忌前衣服不便依例特改作六月三日今後准
此

七年二月七日詔今月五日恭承太上皇帝聖旨自今
後車駕詣德壽宮起居如遇衣服不便日並免到宮今
後准此

三月十八日詔恭承太上皇帝聖旨今後每月可只旦

